

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BOSANSKA KRUPA  
GRADSKI ORGAN UPRAVE**

Broj: 07-11-5-5344/24

Bosanska Krupa, 11.7.2024.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku - Usluge revizije projektne dokumentacije, na prijedlog Komisije za provođenje postupka javne nabavke, Gradonačelnik, kao rukovodilac organa uprave Grada Bosanska Krupa, donosi:

**ODLUKA  
o izboru najpovoljnijeg ponuđača**

1. Prihvata se ponuda ponuđača „**SMAJIĆ-INŽENJERING**“ doo **Goražde**, u provedenom postupku usluge revizije projektne dokumentacije, sa cijenom u ukupnom iznosu od **2.316,60 KM sa PDV-om**.
2. Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se okvirni sporazum za reviziju projektne dokumentacije iz tačke 1. Odluke.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-5344/24 od 24.6.2024. godine. Javna nabavka je provedena putem konkurentskog postupka usluge revizije projektne dokumentacije. Obavještenje o nabavci broj: 1272-7-2-84-3-98/24 od 24.6.2024. godine - objavljeno na portalu JN (TD preuzelo ukupno 17 ponuđača) i u Službenom glasniku BiH, broj: 45/24 od 28.6.2024. godine.

Po objavljenom obavještenju rok za prijem ponuda je bio 5.7.2024. godine do 11:00 sati. Do označenog roka za prijem ponuda na protokol Ugovornog organa blagovremeno je pristiglo 2 (dije) ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. „**UNIS**“ **Institut d.o.o. Pale**, broj protokola: 07-11-5-5344-2/24, zaprimljena dana 4.7.2024. godine u 11:33 sati
2. „**SMAJIĆ-INŽENJERING**“ doo **Goražde**, broj protokola: 07-11-5-5344-3/24, zaprimljena dana 5.7.2024. godine u 9:38 sati

Komisija za provođenje postupka javne nabavke je u skladu sa tenderskom dokumentacijom dana 05.07.2024.. godine u 11,30 sati izvršila javno otvaranje ponuda:

1. „**UNIS**“ **Institut d.o.o. Pale**, dostavljena ponuda (original) uredno zapakovana i bez vidnih oštećenja, ponudio je:

cijena ponude:	<b>3.712,50 KM bez PDV</b> ,	popusta nema
PDV	<b>631,12 KM</b>	
ukupna cijena za ugovor:	<b>4.343,62 KM sa PDV</b>	

2. „**SMAJIĆ-INŽENJERING**“ doo Goražde, dostavljena ponuda (original) uredno zapakovana i bez vidnih oštećenja, ponudio je:

cijena ponude:	<b>2.475,00 KM bez PDV,</b>
popust	<b>495,00 KM</b>
cijena s popustom bez PDV	<b>1.980,00 KM bez PDV</b>
PDV	<b>336,60 KM</b>
ukupna cijena za ugovor:	<b>2.316,60 KM sa PDV</b>

Nakon što je Komisija izvršila provjeru ponuda i dokumentacije dostavljene uz ponude konstatovala je da su ponude ponuđača „**UNIS**“ Institut d.o.o. Pale i „**SMAJIĆ-INŽENJERING**“ doo Goražde potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze) kao i da računskih grešaka nije bilo.

Komisija je konstatovala da je prvorangirana prihvatljiva ponuda ponuđača „**SMAJIĆ-INŽENJERING**“ doo Goražde u visini 2.316,60 KM sa PDV-om, a drugorangirana prihvatljiva ponuda ponuđača „**UNIS**“ Institut d.o.o. Pale u visini 4.343,62 KM sa PDV. Komisija je utvrdila da je cijena prvorangirane prihvatljive ponude za više od 20% (tačnije 46,66%) niža od drugorangirane prihvatljive ponude. Ponuđena cijena je izuzetno niska i u odnosu na cijenu koju je ugovorni organ procijenio na osnovu ispitivanja tržišta (4.343,63 KM sa PDV-om), tačnije, niža je za 46,66% od procijenjene vrijednosti nabavke.

Stav Komisije je da, u smislu člana 66. Zakona o javnim nabavkama Bosne i Hercegovine ("Službeni glasnik Bosne i Hercegovine", br. 39/2014 i 59/2022) i člana 17. tačka (7) Uputstva za pripremu modela tenderske dokumentacije i ponuda, ugovorni organ obavezno od prvorangiranog ponuđača „**SMAJIĆ-INŽENJERING**“ doo Goražde zahtijeva da obrazloži ponuđenu cijenu, sa detaljnim informacijama o relevantnim sastavnim elementima ponude, uključujući elemente cijene, te razloge ponuđene cijene, koje može između ostalog sadržavati i poređenje sa cijenama na tržištu, jer ista ima elemente neprirodno niske cijene.

Ugovorni organ je ponuđaču „**SMAJIĆ-INŽENJERING**“ doo Goražde uputio Zahtjev za obrazloženje neprirodno niske cijene ponude, broj: 07-11-5-5344/24 od 8.7.2024. godine, koji je ponuđaču dostavljen putem e-maila dana 8.7.2024. godine u 10:32 sati.

Ponuđač „**SMAJIĆ-INŽENJERING**“ doo Goražde je, na zahtjev ugovornog organa, dostavio e-mail dana 10.7.2024. godine u 7:56 sati, u prilogu kojeg se nalazi Obrazloženje ponuđene cijene ponude, broj: 448-U-24 od 10.7.2024. godine, u kojem potvrđuje da je njihova cijena tačna i ekonomski opravdana, da je izvršena analiza ukupne cijene usluge "intelektualnog" rada za formiranje konačne ponude prilikom koje se računalo sa "najkraćim" rokom. Dostavljen je analitički prikaz ukupne cijene ponude sa zaključkom da su ukupni troškovi manji od ponuđene cijene, da je ponuđena cijena formirana na osnovu poslovne politike, odnosno na cijenama s kojima uspješno nastupaju na tržištu u cijeloj BiH, te da posjeduju potvrde o uspješno izvršenim Ugovorima – reference. Napominju da firma ima potrebne ljudske i materijalne resurse potrebne za izvršenje predmetne nabavke, da je stalno zaposleno 8 lica različitih profila, da svoje usluge izvršavaju profesionalno i u zadanim rokovima, te da smatraju da njihova ponuda nije neprirodno niska i da pokriva sve neophodne troškove za kvalitetno i u skladu s propisima izvršenje usluge koja je predmet nabavke.

Komisija je na sastanku dana 10.07.2024.godine razmotrila dostavljeno pojašnjenje cijene ponude, te konstatovala da isto jednoglasno prihvata.

Konstatuje se da je procijenjena vrijednost predmetne nabavke 3.712,50 KM bez PDV-a odnosno 4.343,63 KM sa PDV-om.

Za predmetni postupak javne nabavke kao kriterij za dodjelu ugovora predviđena je „najniža cijena“. U postupku nabavke je predviđeno zaključivanje okvirnog sporazuma sa jednim ponuđačem na period u trajanju od jedne godine.

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predložila je Ugovornom organu da donese Odluku o izboru najpovoljnijeg ponuđača i to ponuđača „SMAJIĆ-INŽENJERING“ doo Goražde i zaključi okvirni sporazum s istim.

S obzirom da je kriterij za dodjelu ugovora „najniža cijena ponude, “ da je ponuda ponuđača „**SMAJIĆ-INŽENJERING“ doo Goražde** najniža ponuda, prihvatljiva i u okviru procjenjene vrijednosti predmetne nabavke, Ugovorni organ je odlučio kao u dispozitivu odluke.

### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:  
Selma Bužimkić

Dostavljeno:

1. „SMAJIĆ-INŽENJERING“ doo Goražde, putem e-maila,
2. „UNIS“ Institut d.o.o. Pale, putem e-maila,
3. U spis
4. a/a

**GRADONAČELNIK**  
Armin Halitović